

Doc. 5. Zhu Wan's Memorials on Local Collaborators and Smuggler-Pirates, 1548 (Source: Zhu Wan 朱紘, *Piyu zaji* 璧餘雜集 [Miscellany of extraneous glazed tiles]. 1587, 2:19a-b. National Archives of Japan Digital Archive).

因而交通媒利亦勢也如今年正月內賊虜浯
洲良家之女聲言成親就於十里外高搭戲臺
公然宴樂又八月內佛狼機夷連艘深入發貨
將盡就將船二隻起水於斷嶼洲公然修理此
賊此夷目中豈復知有官府耶夷賊不足怪也
又如同安縣養親進士許福先被海賊虜去一
妹因與聯姻往來家遂大富又如考察閒住僉
事林希元負才放誕見事風生每遇上官行部
則將平素所撰詆毀前官傳記等文一二冊寄
覽自謂獨持清論實則明示挾制守土之官畏
而惡之無如之何以此樹威門揭林府二字或
擅受民詞私行拷訊或擅出告示侵奪有司專
造違式大船假以渡船爲名專運賊贓并違禁
貨物今據查報見在者月港八都地方二隻九
都一隻高浦吳灌村一隻劉五店一隻地方畏
勢不報者又不知幾何也本年五月初九日林
希元令已問發蔡陽輝等運回未獲海賊姚新